

屯留縣志目次

第一卷

星野

晷度附

祥異

沿革

疆域

山川

封建

古蹟

第二卷

城池

公署

學校

書院義學附

祠廟

寺觀

驛傳

兵防

第三卷

田賦

諸隘

課程

鹽法

坊里

鄉甲

風俗

物產附

第四卷

職官

宦績

選舉

徵辟仕進附

科貢

例貢雜職附

第五卷

名賢

忠義孝弟循良文苑武烈附

列女

節婦烈婦貞女烈女

隱逸

流寓

遷徙附

仙釋

方伎

醫學訓科陰陽訓術附

封廕

牌坊

陵墓

漏澤園附

第六卷

藝文上

制勅 記序

第七卷

藝文中

考 辨 文 論 贊 跋 命 說
啟 誌 銘 墓 表

第八卷

藝文下

箴 歌 賦 詩

雜記

糾誤

屯留縣志卷六

藝文

昔班史志名氏畧撰著余以爲文不可遺也言爲心
聲文標言采登紀載則事業不朽識品題則巖澤用
輝寄感慨則規諷堪挹文可少哉至御制誥勅以
命有德嘉有功臣子之榮施莫大焉故志藝文而以
誥勅先之龍章煥采足爲邑乘之光

勅制勅

經歷馬堅勅命

勅曰國家設兵衛以理軍政長貳皆以勲臣處之至於

御史馮斐勅命

協贊其幕者亦必得人乃克有濟爾徵仕郎府君後
衛經歷司經歷馬堅發身胄監擢任斯職歷年既久
皆克勤勞是用錫之勅命夫君國非細事也而爾任
贊畫焉益懋祇修以稱朕意欽哉父母妻並膺勅命
勅曰朝廷設監察御史欲其振紀綱勵風俗以弼成斯
世之治厥任匪輕必得其人乃克勝任爾廣西道監
察御史馮斐發身胄監擢居憲職歷年滋久茂著激
揚宜錫異恩以彰勞勩茲特進爾階文林郎錫之勅
命以爲爾榮夫官以名爲名以言爲職在明大體而

畧細故扶君子而抑小人其益端而志堅爾守毋私
於法毋撓於勢毋計以爲直毋苛以爲能明以燭之
公以行之懋修不懈尙有顯陟待爾後成欽哉父母
妻並膺勅命

贈奉政大夫陝西按察司僉事李朝卿勅命

制曰人子祿不逮親每沐風木之悲旣得寵邀於朝始
聞貞貞之光顧子晉崇秩國隆曠恩隨其所陟恩渥
加焉爾累贈文林郎南京福建道監察御史李朝卿
乃陝西按察司僉事李之茂之父純謹成質溫恭有
儀德蓄不施澤能及後爾子踐敷屢効維乃之休茲

特加贈爾爲奉政大夫陝西按察司僉事尙飲三命之榮庶慰九泉之志

萬曆元年九月二十七日

旌表節孝婦李門郭氏勅銘

制曰凡臣工之勞勩旣彰則朝廷之恩賚日渥至於劬勞憫恤如蓼莪所咏者尤可悼也爾累封太孺人郭氏乃陝西按察司僉事李之茂之母恭儉禔身仁慈逮下敦敬義於相夫明愛勞以訓子顧鼎鍾之養未幾而風木之恨遽深宜貺褒綸用旌慈訓茲加贈爾爲太宜人淑靈有知承此休烈

萬曆元年九月二十七日

都御史李尙智誥命

制曰朕嗣承丕緒肇建元儲念茲邊境之輯甯在爾忠
良之捍衛瞻維延鎮連亘西陲績有比於長城恩豈
靳於華綽爾巡撫延綏等處地方贊理軍務郵察隄
右僉都御史李尙智識度恢宏性資英特夙蘊經綸
之畧雅存康濟之心始以甲科之俊而試治畿封繼
以臺史之良而出司名郡歷遷藩臬茂著才猷爰釋
方伯連帥之權俾執信臣精卒之柄爾乃勤宣吏治
振飭戎行當偃兵息武之時據久安長治之策控劄

五路獲唇齒之相依誓服諸羌藉腹心之允協履食
藩而作翰修攘兼資肅師律以惟臧緩急是賴宜加
旌異之典况值慶賞之頒茲特授爾階中憲大夫錫
之誥命於戲國恩溥而有善必旌臣節堅而隨任思
効及是時之閒暇惟懷永圖顧列戍之緩甯益勤遠
畧尙懋無疆之績浚迓有美之休欽哉父母妻並膺
誥命

兵馬李宗勅命

勅曰國家於都邑之內置兵馬之官所以清肅坊達窮
詰奸盜謹禁城之關健禦風火之虞慮其職務爲甚

繁其責任爲不易茲惟慎選務在得人爾南城兵馬
指揮司副指揮李宗儒業起家賢關釋褐列官朝署
分理都城在公著幹濟之能處己勵操持之志屬當
大慶肇舉彝章宜有渥恩以示褒勸茲特進爾階文
林郎錫之勅命爾其恪恭乃事毋玷厥身俾坊市自
此而肅清寇盜由茲而屏息尙臻來效以俟登庸欽
哉父母妻重膺勅命

翰林院提督四譯館太常寺少卿暴謙貞誥命

制曰朕嗣服方新佈威德於中外徵師飛輓幹不庭方
唯是同面請吏累譯內屬者羈縻不絕受幣聽辭掌

之象胥而更莅以清卿列爵木天而董藝之厥典重
已爾翰林院提督四譯館太常寺少卿暴謙貞乃原
任河南道監察御史暴孟奇之孫業紹青箱學窮蒼
宙剛方克配祖武殷勤能讀父書擢秀彤軒振葩玉
署迨膺鎖闥之任益章批勅之猷亮直無私封事芒
生擊隼忠公有度抗章缺補山龍頓網羅才門盈東
箭簪筆釐弊績茂夕郎乃簡貳夫秩宗爰列銜於詞
苑蓋爾之然藜天祿已究心於四海之同文迨焚草
披垣益指掌於九有之向化今以小客隸爾奉常來
享來王之倫羣纓縈於八節協會喻言之倡咸載

於六離忠盡久抒勲猷丕著茲以覃恩授階中憲大
夫錫之誥命夫四方性殊畿荒判別必我得以通其
語言習其嗜欲而彼不得窺我虛實始不失馴方至
意秩若寺者多宿彥名卿需次而秉鉞烏爾尙益練
習中外深籌遠鑒勿以地迴秩清可留緩養名也朕
且觀爾庸矣欽哉父母妻並膺誥命

光祿寺正卿路王道誥命

制曰朕承先帝之遺緒享有玉食內奉神祇外受方國
之貢獻惟是膳羞祭祀燕饗之用俱有經程光祿鉅
卿率屬訓事忠勞甚茂慶賚特先焉爾光祿寺卿路

王道方重宏朗勤敏篤誠粵自縣尹曹郎積資累望
參陪司宰晉長符臺宣京兆之化條司奉常之禮樂
綿更既久譽論咸歸乃陟宰卿列在禁近而能以敦
樸之體慎節供需以忠事之心剗剔弊蠹久釐庶務
式於羣僚朕甚嘉之茲以覃恩授爾階中憲大夫錫
之誥命於戲古先聖王不以侈汰糜國家之財不以
簡陋乏神人之饗惟恭惟儉以制其中肆予冲人欲
究斯義爾尙益殫乃心祗乃職用對揚予一人之光
命時乃之休欽哉祖父母父母並膺誥命

僉事李之茂誥命

制曰朕踐祚尊親需恩廷列其在外服則惟秉兵握憲
之臣特被褒命非以其受任封疆宣猷修攘厥功爲
獨懋耶爾陝西按察司僉事李之茂風猷朗暢操履
端嚴中外淳敷聲實並茂簡司臬憲命詰戎兵爾乃
飭武備以折奸萌布條章以肅吏治地方攸賴朕甚
爾嘉茲以恩誥特授爾階奉政大夫錫之誥命夫古
稱長城之倚視地而尤視人故每豪士能臣樹勲伐
而躋顯職者率由此始爾尙益殫猷爲以紓予西顧
嗣有遷叙洊且及之欽哉父母妻並膺誥命

諭祭贈光祿寺卿陸公並妻封太淑人陳氏文

維

萬曆十六年十一月十二日

遣山西等處

承宣布政使司分守冀南道左叅政侯世卿諭祭贈
光祿寺卿路棟材並妻封太淑人陳氏曰惟爾善行
夙敦韞光未試爰資良配一德相成篤啟嗣賢薦躋
融顯綸音寵被祿養遠邇雖先後之棄捐宜卹思之
並及茲頒祭典式舉絳章霽其有知尙其敬服

諭祭都御史李公文

維

萬曆二十一年七月十五日

遣山西承宣